

Manmin nga mga Balita

NO. 41 ABRIL 6, 2014

Ang GCN sa Panagtigum og Eksposisyon sa NRB 2014



Ang GCN nagsibya sa nagkalain-laing programa 24 oras matag adlaw. Ilang gihatag ang mensahe sa kinabuhi, ang gamhanang lihok nga nagpamatuod sa pagkatinuod sa Bibliya, mga pagdayeg og pag-ampo nga makapahimuot sa Diyos, mga panghimatuod, og uban pang importanteng inpormasyon. Ang mga tawo makatan-aw pinaagi sa mobile-phone sa m.gcntv.org og sa internet. (Unang litrato: GCN's booth, ika-2 litrato: Dr. Jerry Johnson, ang bag-ong Presidente sa NRB (tu), ika-3 litrato: ang mga bisita interesado sa mga libro ni Dr. Jaerock Lee)

Ang GCN niapil sa NRB(National Religious Broadcasters) 2014 nga gihimo didto sa Nashville, Tennessee, USA niadtong Pebrero 22-25, 2014. Ang NRB, nga nagsaulog sa ilang 70 katuig nga anibersaryo, maoy organisasyon sa mga Kristohanong magsisibya sa tibuok kalibutan nga nanukad sa U.S. Naa kini 1,400 ka mga miyembrong magsisibya.

Ang GCN naay panaghigalaay sa nanagdumala sa NRB lakip na ni Dr. Richard Bott, Board Chairman sa NRB og nagmantala sa pagpangalagad sa GCN (www.gcntv.org). naghimo sila'g kasabutan sa pagtinabangay.

Ang GCN's booth gibisitaan sa daghang lider sa mga kristohanong magsisibya gikan sa kanasoran.

Si Dr. Jerry Johnson, Presidente sa NRB, nitan-aw sa GCN's booth og nanimaan sa mga libro ni Dr. Jaerock Lee. Unya niingon, "Gusto ko nga si Dr. Jaerock Lee mobisita sa NRB convention." Sa mga libro ni Dr. Lee, nipakita siya'g dakong tinguha sa 'Hell' og ni dugang pag-ingon, "Karon kasagaran sa mga pastor dili mo wali mahitungod sa impeyerno."

Rev. Igor Nikitin, Presidente sa TBN Russia niingon, "Nagsugod ko og bag-o nga channel

og nagsibya sa mga wali ni Dr. Jaerock Lee. Bisan og duha pa lang ka bulan, daghan nang nihangyo sa iyang pag-ampo. Walay lain apan si Dr. Lee ra ang nipakita sa daghang kaayohan pinaagi sa pag-ampo."

Ang matag magsisibya nipaigo og kooperasyon sa ubang grupo sama sa Rede TV sa Brazil; Avetis TV sa Armenia; og TWR Africa (Trans World Radio), ang nag-unang kristohanong radio-station. Naghisgot sila'g tinabangay lakip na ni Dr. John Ankerberg, ang Board of Director sa NRB og iladong show host.

Balita sa Litrato

Ang Nissi Orchestra sa lang espesyal nga pasundayag para sa ika-22 nga Anibersaryong Kasaulogan



Atol sa Sunday Evening Service niadtong Marso 2, 2014, ang Nissi Orchestra (Conductor, Igsoon Gwanhyung Cho), naghimaya sa Diyos pinaagi sa ilang espesyal nga paghubad sa kanta nga "He is Receiving Glory" og "The Walk of Faith".

'Iida Manmin Church 20th Anniversary Service'

Niadtong Pebrero 23, 2014, ang Iida Manmin Church sa Iida, Nagano Prefecture, Japan nga gialagaran ni Seungkil Ryu, nagsaulog sa ilang ika-20 nga anibersaryo uban ang Manmin World Guidance nga si Pastor Heesun Lee.

Daghang mga pastor og magtotoo gikan sa mga sangang simbahan sa Japan ang nanambong. Sa 1st half, ang 'Power Team of Performing Arts' sa Manmin Central Church nihatag og espesyal nga pasundayag og ang United Choir sa Iida Manmin Church og ang 'Rainbow Band' nihalad og espesyal nga pagdayeg. Unya si Rev. Heesun Lee niwali sa mensaheng, "Fruit". Sa 2nd half, ang mga performing teams sa matag sangang simbahan sa Japan nihatag og nagkalain-laing pasundayag. Unya ang 'Power Team' ni presentar og gamhanang sayaw samtang nagkanta og mga pagdayeg, og ang nanambong nidungan sa ilang pagdayeg.

Pebrero 22, sa niaging adlaw, si Rev Heesun Lee naghimo sa 'handkerchief healing meeting' uban ang panyo nga inampoan ni Dr. Jaerock Lee (Buhat 19:11-12). Ang mga nanambong nakadawat sa kalayo sa Espiritu, og daghan ang nangaayo sa sakit og kaluya sama sa 'rhinitis', nabali nga paa, og adhesive-capsulitis sa abaga. Nihatag sila'g dakong pasidungog sa Diyos.





Senyor Pastor Dr. Jaerock Lee

Ang Gugma Malipay sa Kamatuoran

“Ang gugma dili malipay sa daotan kon dili sa kamatuoran.” (1 Corinto 13:6)

Kon atong gihigugma ang Diyos dili ta magbuhat og daotan, apan sa matuod. Labot pa, malipay ta sa kamatuoran. Ang gugma aktibong ekspresyon sa kalipay sa matuod.

Sa Juan 14:6 mabasa, “Si Hesus mitubag, ‘Ako ang dalan, ang kamatuoran, og ang kinabuhi. Walay makaadto sa Amahan kon dili moagi kanako.’” Sama sa giingon sa bersikulo, ang matuod nagtumbok ni Hesu Kristo, og ang matuod mao ang ebanghelyo og ang Pulong sa Diyos nga nahisulat sa 66 ka libro sa Bibliya.

Kon nahigugma ta sa Diyos og nakadawat sa gugma nga gikan Niya, permi tang malipayon uban ni Hesu Kristo og sa lihoc sa ebanghelyo diin mapadako ang gingharian sa Diyos. Karon, unsa may tino nga pasabot kon moingon nga maglipay sa matuod?

1. Ang paglipay sa matuod

1) Mao ang paglipay sa ‘ebanghelyo’

Ang ‘ebanghelyo’ mao ang ‘maayong balita’, ang maayong balita mao nga kita naluwat pinaagi ni Hesu Kristo og makasulod sa langitnong gingharian. Sulod sa mga katuigan og sa tanang lugar, ang katawhan nagpangita sa matuod. ‘Unsa may tumong sa kinabuhi? Unsa may bililhong kinabuhi?’ Aron makakuha og tubag, magtuon sila sa mga ideya og pilosopiya, o magsulay sila’g kuha sa tubag pinaagi og relihiyon. Apan walay makakab-ot sa matuod og makasulod sa Langit apan pinaagi lang ni Hesu Kristo nga mao ang matuod.

Kining ebanghelyo atong nadungog, gidawat si Hesu Kristo, nakadawat sa kaluwasan, og nakaangkon sa kinabuhing dayon. Kon kita napasaylo sa atong mga sala pinaagi sa dugo sa Ginoo og ang atong kaugmaon nabalhin gikan sa Impyerno ngadto sa Langit, dinhi nato masabtan ang tinuod nga pasabot sa kinabuhi og magpakabuhi sa bililhong kinabuhi. Mao nga, klaro nga kita magmalipayon diha sa ebanghelyo.

Katong malipayon sa ebanghelyo makatabang sad sa uban. Ilang matuman ang mga katungdanan nga gihatag sa Diyos diha nila og matinud-anong magsabwag sa ebanghelyo. I Timoteo 2:4 nag-ingon, “Buot sa Diyos nga maluwas ang tanang tawo og mahibalo sa

kamatuoran.” Tungod kay nahibalo ka ining kabubut-ona sa Diyos, malipay ka og ang tawo makadungog sa ebanghelyo og ang kalag nga maluwas magkadaghan pinaagi sa pagdawat sa Ginoo.

Apan ang ubang tawo masina kon ang uban maka ebanghelyo og daghan og makaangkon og daghang bunga. Naay simbahan mangigi kon ang ubang simbahan motubo, o managhan og maghatag og kahimayaan sa Diyos. Dili kini mao ang ‘paglipay sa kamatuoran.’

Kon naa tay espirituwal nga gugma sa atong dughan, malipay tang makakita nga ang gingharian sa Diyos naay dakong katumanan. Og malipay sad kon ang uban magmalampuson og mabungahon. Kitang tanan magmalipayon sa dihang kita magsaksi nga ang simbahan nagmalambuon og gihigugma sa Diyos. Mao nga kini ang dughan nga malipayon uban ang ebanghelyo, nga nagagikan sa espirituwal nga gugma.

2) Nagpasabot nga malipay sa mga butang nga sakop sa matuod

Mao ang kalipay nga magtan-aw, maminaw, og magbuhat sa mga butang nga nahisakop sa tinuod sama sa gugma, kamaayo, og hustisya. Ang katong malipay sa tinuod matandog bisan sa gamay’ng buhat sa kaayo. Og tungod kay ang Pulong sa Diyos matuod, mo angkon sila nga tam-is pa kini kaysa dugos. Mao nga malipay silang maminaw sa sermon og magbasa sa Bibliya sa tanang panahon. Labaw sa tanan, malipay silang Magbansy sa Pulong sa Diyos.

Pananglitan, ang Pulong sa Diyos nag-ingon, ‘Pagsilbi, sabta, og pasaylo,’ og sila malipayong motuman sa Pulong. Katong motuman ining pulonga dili ganahan sa pagdumot, pangigi og kasina, og paghusga og pangundinar sa uban. Katong malipay sa matuod magmalipayon kon ang ubang tawo nagmaayo. Dili sila masina. Dili sila makahunahuna og daotan sama sa, ‘maayo unta og magkadaot-daot nang tawhana,’ o malipay tungod kay ang uban naay kadaot nga naabot.

Kon makakita sila nga dunay daotang nahitabo, magsubo sila. Katong malipay uban ang tinuod nga gugma ang dughan nahisakop sa kamaayo sama sa dughan nga dili mausab, maayo og matarong. Malipay sila sa maayong pulong og

maayong binuhatan.

Pagkakita ining mga anaka, ang Diyos malipay sama sa giingon sa Sofonias 3:17 “Ang Ginoo nga inyong Diyos anaa uban kaninyo; ang iyang gahom maghatag kaninyo’g kadaogan. Malipay kaninyo ang Ginoo, og diha sa iyang gugma hatagan kamo’g bag-ong kinabuhi. Magmalipayon siya nga moawit tungod kaninyo.”

Naa ba kahay nawad-an sa kadasig naghunahuna kon nagmalipayon ba siya sa matuod? Mahimo nimong susihon ang imong kaugalingon; apan dili ka angayan nga mawad-an sa paglaum. Kon imong sulayan og paningkamotan, ang Diyos sa gugma mo konsiderar sa imong paningkamot.

3) Naglakip sa pagtoo sa Pulong sa Diyos og sa pagsulay sa pagbansay ini

Nihit tang makakita og tawo nga sa pinasugdan pa lang malipay ra gyud sa matuod. Samtang naa pay kangitngit og bakak diha nato, makahunahuna gyud og daotang butang, o mahimo sad nga malipay sa dili sakti. Unya na nga kon kita mausab pinaagi sa Pulong sa Diyos og pag-ampo og makapalayas sa bati nga dughan, dinhi mahimo na tang magmalipayon sa matuod. Ato gyud kining paningkamotan.

Eksampol, dili tanang Kristohanon makabati nga, ‘Lipay kaayo ko nga naka simba.’ Sa uban nga magtotoo o katong naay huyang nga pagtoo, tingali makabati sila og kakapoy, o ang ilang kasingkasing wala diha. Apan ang pagduol sa santuwaryo og ang pagtambong sa worship service maoy tinguha sa pagsulay og sunod sa Pulong sa Diyos. Mao sad ni ang paglipay sa matuod. Nganong magsulay man sila sa ingon ini nga paagi? Aron makadawat sa kaluwasan og makaadto sa Langit.

Atong nadungog ang pulong sa matuod og nagtoo ta sa Diyos, nitoo ta nga naay paghusga, og naay Langit og Impyerno. Nahibalo sad ta nga ang ganti sa matag usa didto sa Langit dili managsama. Mao nga ato gyung sulayan pag-ayo aron mahimong balaan og magbuhat nga matinud anon sa balay sa Diyos. Kay bisan dili pa ka 100% nga nagmalipayon sa matuod, kon imong sulayan pag-ayo sa sukdanan sa imong pagtoo, mao kana ang paglipay sa matuod.

2. Ang Panalangin ihatag kon gutumon og uhawon sa matuod

Ang mga anak sa Diyos dili malipay sa bakak, apan sa matuod. Kini tungod kay ang tinuod naay kahibulungan nga gahum aron sa pagbag-o sa tanang butang nga naa nato og sa pagpanindot ini.

Sa atong pagpaminaw sa ebanghelyo nga mao ang matuod, og magpakabuhi subay niini, insakto kitang mausab isip mga anak sa Diyos. Ang atong nawong dayag nga malipayon tungod kay kita puno sa paglaum para sa Langit og sa espirituwal nga gugma. Samtang kita magkausab pinaagi sa matuod, magka daghan sad ang gugmang atong madawat gikan sa Diyos og sa ubang tawo. Mao nga ang atong kinabuhi mapuno sa kalipay.

Maglipay gyud ta sa matuod. Dugang pa, kinahanglan nga gutomon og uhawon gyud ta sa matuod. Kon ikaw pisikal nga gutomon og uhawon, mangita gyud kag pagkaon og mainom. Ingon sad unta ini ang atong pagpangita sa matuod, aron dali ra tang mausab ngadto sa tawo nga tinuod. Magpakabuhi ta sa kinabuhing perming ‘magkaon og mag-inom’ sa matuod.

‘Ang pagkaon og pag-inom sa matuod’ mao ang pagbutang sa Pulong sa Diyos dinhi sa atong dughan og ang pagsunod ini. Ang Pulong sa Diyos, nga mao ang matuod, maoy nagsilbing yawi sa pagsulbad sa lisod nga mga problema sa atong kinabuhi, sekreto sa mga panalangin, og ang dalan sa kaluwasan og sa kinabuhing dayon. Mao nga, kon kita magbansay ini, ang mga panalangin mosunod nato.

Mga kaigsoonan, kon imong gihigugma ang Diyos makita kana. Pasabot, kon kita makakita og makadungog mahitungod sa matuod, malipay ta og mag sadya. Og ang mga tawo mo ingon nato nga “Malipayon kaman.” Mohilak ta diha sa pagpasalamat sa Diyos og sa Ginoo og matandog bisan sa gamay’ng binuhatan sa pagkamaayo.

Ang luha sa kamaayo, sama sa luha sa pasalamat og luha sa pagsubo para sa ubang kalag, mahimong nindot nga mga bahandi unya aron i-decorate sa matag usa nga panimalay didto sa Langit. Ako mag-ampo sa ngalan sa Ginoo nga pinaagi sa imong paglipay sa matuod, ang mga ebidensya nga maoy ilhanan nga ikaw gihigugma sa Diyos mobaha diha sa imong kinabuhi.

Ang Pag-angkon sa Pagtuo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipyat.
2. “Manmin Central Church” nagatuo sa panaghiosa’ng lihoc sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-

anan pinaagi lamang sa dugo ni Hesu Kristo.

4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtuo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

Manmin nga mga Balita

Published by Manmin Central Church

Bisayan

29, Digital-ro 26-gil, Guro-gu, Seoul, Korea, 152-848
Tel: 82-2-818-7047 Fax: 82-2-818-7048
http://www.manmin.org/english / www.manminnews.com
E-mail: manminministry@manmin.org
Publisher: Dr. Jaerock Lee
Managing Editor: Geumsun Vin

Ang Pag-ampo nga Buot sa Diyos

Si Hesus matinguhaong nag-ampo nga nagluhod pinasubay sa kabubut-on sa Diyos sa nahisulat sa Lucas 22:39-44. Ang iyang pag-ampo nagtudlo nato kon unsaon nato pag-ampo sa insaktong paagi og hunahuna. Bisan si Hesus Anak sa Diyos, matinguhaon siyang nag-ampo nga nagpakita sa maayong eksampol sa pag-ampo. Unya, unsaon man nato pag-ampo isip mga anak sa Diyos? Si Elijah, ang propeta, matinguhaong nag-ampo diha sa iyang kasingkasing, moluhod siya sa yuta nga ang iyang nawong isuk-suk patunga sa iyang duha ka tuhod. Ang iyang pag-ampo nagdala sa tubag sa dakong ulan nga maoy nipahunong sa dugay'ng kahulaw. Kon kita maghalad og samang matinguhaong pag-ampo diha sa atong dughan atong madawat ang mga tubag og panalangin.

Pag-ampo uban sa Dughan

Si Abraham lig-on og naay insaktong pagtoo sa Diyos, wala gyud gani siya magduda sa Pulong sa Diyos o mo supak. Tungod kay siya nagtoo sa Diyos nga Makagagahum nga makabuhi sa patay nituman siya sa Diyos sa dihang siya giingnan sa Diyos nga ipa halad og iyang bugtong anak nga si Isaac isip sinunog nga halad (Hebreo 11:19). Mao nga, gitawag siya sa Diyos og 'amahan sa pagtoo' og gihatagan siya sa tanang klase sa panalangin apil na ang daghang anak,

maayong lawas, kadato og dungog.

Daghang tawo magduda, mo supak og mo reklamo kon ang mga butang dili mahiyon sa ilang hunahuna. Ang uban moingon nga nitoo sila, apan magsugod og duda. Ang uban magduhaduha motuo o dili sama sa balud sa dagat mapalid bisan asa huypa sa hangin. Ang Santiago 1:6-8 nag-ingon nga ang tawo nga sama ini dili makapaabot nga hatagan sa Ginoo kay maduhaduhaon man siya og walay tumong.

Jeremias 33:3 mabasa, "Sangpita ako og tubagon ko gayud ikaw, ipadayag ko kanimo ang kahibulongan og katingalahang mga butang nga wala mo masayri." Ang 'pagsangpit sa Diyos' nagpasabot nga magtawag ta nga maghilak diha sa pag-ampo ngadto sa Diyos uban ang matiguhaong dughan. Kon kita maghilak nga mag-ampo sa pagtawag ngadto sa Diyos, dili ta makahunahuna og walay pulos og dili sad ta magduka samtang nag-ampo og yano ra kaayo tang maka-ampo uban ang kasing-kasing.

Sama nga makakaon tag pan ubos sa atong pagpatulo

og singot, atong madawat ang tubag pinaagi sa atong paghilak diha sa pag-ampo (Genesis 3:19).

Ang pag-ampo mao ang pag-agi sa kampo sa satanas, nga mao ang prinsiphe sa gahum sa hangin, og ang pagkab-ot sa trono nga atua sa Langit. Sa maong pag-ampo, mapuno ta sa Espiritu. Ang mga pagsulay og balatian molayas og ang mga problema ma sulbad. Kon mangiiniton tang magtawag diha sa pag-ampo atong madawat ang gahum sa Espiritu og mahimong tinuod nga saksi ni Hesu Kristo.

Paghilak diha sa Pag-ampo

Pag-ampo uban ang Pagtoo

Para makaangkon og pagtoo, maningkamot gyud ta. Apan labaw sa tanan, kinahanglan nga makadawat gyud ta og pagtoo gikan sa Diyos. Ang pagtoong hinatag sa Diyos maoy espirituwal nga pagtoo nga inubanan sa buhat. Kon naa ta sa maong espirituwal nga pagtoo, ang kasiguruan nga makadawat sa tubag moabot, sa nahisulat sa Marcos 11:24 nag-ingon, "Tungod ini, ingnon ko kamo nga bisag unsa ang inyong pangayuon diha sa pag-ampo, tuohi nga madawat ninyo kini og mainyo gyud kini."

Ang Diyos mohatag og tubag sa matag usa pinasubay sa ilang pagtoo sa dihang sila mag-ampo. Kon kita lig-on sa

pagtoo og dili magduhaduha sa tanang sitwasyon, makita sa Diyos ang atong pagtoo og hatagan ta Niya sa tubag og ang tanang butang kanato magmaayo. Sa pagsigi og ampo, ang kusog nga gikan sa taas moabot aron kita makasukol batok sa sala, makapalayas nila, makasunod sa tinuod, og sa katapusan makaangkon sa pagtoo nga makapahimuot sa Diyos. Kining mga magtutuoha nga naay insaktong pagtoo inubanan sa mga ilhanan. Makapalayas sila sa demonyo, mosulti sila'g bag-ong pinulongan; makahikap sila'g bitin, og kon makainom sila'g hilo dili sila mahilo; maayo ang mga masakiton kon ila kining tapin-an sa ilang kamot (Marcos 16:17-18).

Kon naa tay klarong tumong sa bisan unsa, mag porsigi man ta og dali ra natong maabot. Tugbang ini, kon wala tay klaro wala tay direksyon og magduhaduha dayon kon nganong naingon ani kon moabot ang gamay'ng problema.

Kon mag-ampo ta ngadto sa Diyos, kinahanglan naa gyud tay klarong tumong. Kon ang atong dughan dili mo kondemar nato og kumpyansa tang nagsunod sa matuod diha sa atubangan sa Diyos, Siya nisaad nato nga mohatag bisag unsa pa ang atong pangayuon diha

Niya (1 Juan 3:21-22). Kon ang tumong sa pag-ampo klaro, matinguhaon og mapailubon tang mag-ampo. Aron kampanting mangayo sa Diyos sa klaro nga tumong, atong batonan ang Iyang mga sugo og magbuhat sa butang nga makapahimuot Niya. Kini tungod kay ang Diyos nahibalo sa atong mga gipanginahanglan bisan sa dili pa ta mangayo Niya. Kon Iyang makita ang atong dughan nga dili mo kondemar nato, Iyang tumanon ang atong mga gikinahanglan.

Pag-ampo nga naay Tumong

Pag-ampo uban ang Gugma

Sa Hebreo 11:6 mabasa, "Walay makapahimuot sa Diyos kon dili pinaagi sa pagtoo. Kay ang moduol sa Diyos kinahanglan gayud motoo nga naay Diyos og gantihan ang nangita Niya." Sa nahisulat, kon kita motoo nga ang atong pag-ampo matubag og mahimong ganti sa Langit, dili ta kapuyon og ampo og dili sad lisdan. Labaw sa tanan, kon kita mag-ampo uban ang gugma para sa mga kalag, sama ni Hesus nga mangiinitong nag ampo aron sa pag sakripisyo sa Iyang kinabuhi para sa tanang tawo, makahimo sad ta sa makugihong pag-ampo

Ang mahigugmaong pag-ampo nga buot sa Diyos mao ang pag-ampo nga nagtinguha sa gingharian sa Diyos og sa Iyang pagkamatarong og para sa simbahan, sa magbalantay, og sa mga kalag. Ang paghalad og pag-ampo pinaagi sa bug-os nga gugma ngadto sa Diyos, uban ang kagutom og kauhaw sa pagkamatarong, mao ang tinuod nga pag-ampo sa gugma. Mao ang pag-ampo uban ang espirituwal nga gugma nga tiunay diha sa dughan uban ang pagpatuman sa kabubut-on sa Diyos para sa pagpadako sa gingharian sa Diyos. Mao ang pag-ampo uban ang dughan sa magtutudlo.

Ako usa ka Overseas Chinese nga nanimuyo sa Paris, France. Nakatambong nako sa mga worship services sa Manmin Central Church pinaagi sa online live-broadcasting sukad pa niadtong 2011. Sugod ato, ang Diyos sa gugma nanalangin nako og akong na eksperyensiya ang gamhanang lihok pinaagi ni Dr. Jaerock Lee.

“Malipayon kaayo kong nagsabwag sa gamhanang lihok sa Diyos ngadto sa mga kalag”



Sister Ri Qiu Pong,
Paris, France

Sayo sa 2013, niapil ko og Bible study club sa akong pag-adto sa Colombia. Akong gipaila ang panyo sa gahum ni Dr. Lee ngadto sa mga club members (Buhat 19:11-12) og ang Muan Sweet Water (Exodu 15:25). Ako sad gipamatud-an nga naayo ko sa high blood pressure nga naghasol nako sulod sa 10 katuig, pinaagi sa pag-ampo ni Dr. Lee og ako sad silang gipakita sa iyang litrato.

Dihay babaye nga maglisod og lakaw. Niingon siya nga naminaw siya sa mga sermon ni Dr. Jaerock Lee sa Enlace TV. Nalisa ang iyang bat-ang, mao nga dili siya makaluhod og ang iyang tuo nga tikod wala mag sangyad sa yuta. Ang mga miyembro didto nihangyo nako nga pa ampoan siya gamit ang panyo. Nagduhaduha ko tungod kay wala pako maka ampo og kusog atubangan sa mga tawo. Apan nihangyo sila uban ang pagtoo og napuno ko sa inspirasyon sa Espiritu Santo.

Naa koy na-record sa akong cell phone nga pag-ampo

ni Dr. Lee sa dihang siya nag-ampo sa panyo nga aron kini mapanalanginan. Sakto nga naa ni nako, nisalig ko og nag-ampo, “Diyos nga Makagagahum! Bisan daghan pa kaayo ko og kuwang, apan gusto kong mosunod sa kabubut-on sa Amahan. Palihug ipakita ang imong himaya sa imong anak. Amahan! Dawata ang ilang pagtoo og makugihong dughan og ayoha siya.”

Nisugyot sad ko nga sila modungan og ampo. Unya, akong gibasa og kusog ang pag-ampo ni Dr. Lee nga gihubad sa Chinese nga akong na-record og nag-ampo ko sa babaye. Ako siyang gi-sprayhan sa Muan Sweet Water. Niabot ang kahibulongan. Iyang gisulayan og piko og inat-inat ang iyang likod og tuhod. Og nakalakaw siya’g tarong. Hallelujah!

Padung balik sa France, nakakita ko og bangaw nga nagsunod sa eroplanong akong gisakyan sulod sa 30 minutos. Akong nabati nga niingon ang Diyos nako nga Siya nag uban kanako, mao nga lipay kaayo ko. Naka eksperyensiya sad ko og malipayong butang sa tuig 2014. Akong gisabwag ang pagkabalaan sa ebangelyo ngadto ni Sister Quinghua Liu sa Qingdao, China og ako sad siyang gihatagan og libro ni Dr. Lee. Og akong giingnan patan-awon sa mga sermon ni Dr. Lee sa internet. Og iyang na eksperyensiya ang kahibulongang butang.

Gi-operahan siya sa mayoma niadtong Enero 7, 2014 og nagdugo. Nakadawat siya og tulo ka emergency- treatments niadtong Enero 18, 20, og 27 ining tuiga. Nagsigi lang gihapon og dugo. Ako siyang gitudloan unsa ka importante ang Sabbath. Kaadlawun sa Pebrero 2, 2014, nitambong siya sa Sunday Morning Service sa Manmin Central Church pinaagi sa live-broadcasting online og nakadawat sa pag-ampo ni Dr. Lee para sa mga masakiton. Ining higayona, iyang nabati ang grabing kasakit sa iyang tiyan nga murag mahabwa. Sa iyang pagka hibulong, iyang nakita ang gasa (gauze) nga gigamit sa operasyon nga nigawas. Og nihunong ang pagdugo. Hallelujah!

Karon malipayon siya sa kristohanong kinabuhi. Magbasa siya sa mga libro ni Dr. Lee, magtambong sa Friday All-night Service, og magsangyaw sa ebanghelyo. Akong pasalamatan og himayaon ang Diyos sa Iyang pag-ayo nako pinaagi sa pag-ampo ni Dr. Lee og sa iyang pagpanalangin nga ako mahimong saksi nga mo wali sa lihok sa gahum.

Sulat gikan sa gawas

“Ang Akong apo dili makalaw sulod sa 8 katuig, apan nakalaw!”

Ang akong pamilya pobre, og daghan kaayo mi. nabuhi mi nga kabus. Dugang pa, ang akong apo nga babaye, si Annalie (8 anyos) dili gyud makalakaw tungod kay natawo man siya nga ‘malnourished’. Naa ra siya permi sa pultahan. Gisamutan pa nga ang akong umagad nipahawa sa dihang si Annalie nag edad og 3 anyos. Ang iya nalang inahan nga akong anak ang nagbuhi niya.

Tungod sa kakabus, maglisod gani mi og adto sa simbahan. Apan pag 2013 naay nidala namo ngadto sa Cebu Manmin Church, nga gipangalagaran ni Pastora Rosetta Sung. Ang mga wali ni Senyor Pastor Dr. Jaerock Lee nihupay sa akong dughan. Akong nakat-unan nga mahimo kong makasulod sa nindot og maayong puloy-anan sa Langit kung akong balaanon ang Sabbath, maghatag og tithes, og makab-ot ang dughan sa Ginoo.

Nahatagan sad ko og higayon nga maka eksperyensiya sa kahibulongang gahum sa Espiritu Santo niadtong Disyembre 8, 2013. Katong si Rev. Heesun Lee naghimo sa handkerchief healing meeting (Buhat 19:11-12) diri sa Cebu Manmin Church. Sa pagkatinuod, wala nako maghunahuna nga ang akong apo makalakaw pa tungod kay wala gyud na siya makalakaw sulod sa 8 katuig.

Si Rev. Lee nagwali mahitungod sa unodnong pagtoo og espirituwal nga pagtoo og nag-ampo para sa mga masakiton gamit ang panyo. Ang akong apo nakadawat sad sa pag-ampo samtang naglingkod. Unya, ang kahibulongang butang nahitabo. Naay nitabang niya, gigunitan siya sa kamot, giagak og nakalakaw na siya. Hallelujah!

Dili pa dugay nga nagsugod ko og simba, apan pinaagi sa gahum sa Espiritu Santo, giayo sa Diyos ang akong apo nga wala pa gyud makalakaw sukad pa sa iyang tibuok nga kinabuhi. Ang inahan ni Annalie, akong anak, lipay kaayo og nidawat nasad sa Ginoo og karon nagsigi na og simba og malipayon na. Salamat, Senyor Pastor Dr. Jaerock Lee!



Sister Lydia Godinez
(Cebu Manmin Church sa Pilipinas)

Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Patato St, J-Figuera Sampaloc, Manila, Pilipinas Pastor Peter Bae Pastor Lucy Lee 2-735-1423	067 Daang Bago, Dinalupihan, Bataan, Pilipinas Pastor Peter Bae 0910-262-5465	Purok 3, Brgy, San Roque, San Mateo, Isabela, Pilipinas Pastor Peter Bae Pastor Lucy Lee 0905-649-1120	5 Lot 33 Bk 1, Canutuhan (tenant), Santiago Gen.Trias, Cavite, Pilipinas Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Pilipinas Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Pilipinas Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Pilipinas Pastor Kathryn Kim 0908-635-2714